

Secundus philozophus



Secundus ein athenienschlicher naturlicher maister ist diser zeit in achtung gewest. & salweg das schweige haltende ein Pitagouisch leben füret. Die wisach seins swey gens was die. Als er auff ein zeit sein aigne muter vnzimlich beyschlaffens angemütet vnd sie ime vnwissende das er ir sun was verwilligt het. vnnnd do sie nro erkennet das es ir sun was gewesen do starb sie vor scham. als Secūdus das mercket do sez et er imselbs die straff zu peen das er hinfüro nimant mer zu reden wolt. do solchs an den kaiser Adrianum zu Athenis desmals wesende gelanget. berüffet er ine. aber do er ine weder mit grüß. vermanung noch bedroung vossi fürsatz des schweigens mit entziehen mocht do verwüderet er sich seiner schweygung vnd bestendigkeit. vnd be getet an ine das er doch seinen fragen mit der hannnd antwurten wolt. darauff fraget er ine. was ist got. do schreib er im pald. Got ist ein vntödllicher syn. ein vnbescherwliche höhe. ein vilförmige form. ein manigfaltiger gaist. ein vnerdenckliche erforschung alle ding begreifffende. ein vngeprechlichs liecht vnnnd das höhst güt.

Tiburtina die stat welscher land die noch herwt die alt Tibur genant wirdt ist zu disen zeiten durch den kaysen Adrianum (als Helius sparcianus bezeügt) mit wunderperlicher darlegung erparwt vnd auß ein dorff zu einer statt gemacht worden vnd ligt. xviii. schrit von Rom bey dem fluss Anienne an einem nidernvneben ende Dife statt hat (als Strabo vnd Virgilins wollen) lang vor Rom von den kriechischen visprüg vn eigenschaft gehabt. Ertlich sprechen ir erster stifter sey gewesen Tiburtus der bruder Coracis vnd Catilli. dan dieselben brüder warñ Thebanier. die nach zerstorung der Thebanier vossi vater in welschen land geporn. darnach die statt auß irem namen parweten. Dese ist ein zeügnus der berg nahend dabey noch herwt Catillus genant. So hat der ander bruder Corat ein andere berümbte statt vnder den Volscos aufgerichtet. also ist dife stat Tiburtina etwē edel gewest. als solchs die nahendt noch vor awgen wesende grose vnd machtige nidergefalne gepew diser altē statt anzaigen vnnnd die gewesen würdigkeit diser statt bedewten. An demselben ende grebt man den starcken Tiburtinischen steyn der zu erparung vnd enthaltung der statt Rom fast hislich gewest ist. dan kaysen friderich barbarossa hat dife statt. die davor von andern teitschen zerrüdet was wider erparwen. So haben darnach vil bebst vnd cardinel dieselben statt gemeret vnd mit vil gepewen erleuchtet. Auß diser stat habē babst Simplicius vnnnd andere an kunst vnnnd würdigkeit hohberümbt meener irñ vrsprung gehabt.

Tiburtina die statt

